



## SEKTORI I TEKNOLOGJIVE.

### FLETË –PALOSIE.

#### Titulli:”Krasitja dhe mirëmbajtja e kurorës në kulturën e ullirit.”

Krasitja është njera nga hallkat e agroteknikës ndofta më e vlefshme, pasi e detyron ullirin që të prodhojë,në mënyrë të përvitshme për një kohë sa më të gjatë .

Proceset e tjera të kultivimit si plehrimi, ujitja, punimi i tokës, etj ndihmojnë në rritjen dhe frytezimimin në tërësi, kurse krasitja rregullon rritjen dhe prodhimin jo vetëm në tërë bimën por dhe në degë e pjesë të vecanta të kurorës.

Me anë të krasitjes arrihet:

1.Ndërtohet kurora sipas formës së parazgjedhur, nxiten e mbahen degë të shëndosha në pozicion të përshtatshem të veshura me degëzime të mjaftueshme fiziologjikisht të barazpeshuara .

2.Sigurohet ndricim i bollshëm dhe i njëjlojtë në të gjithë kurorën e vecanërisht në degë dhe gjethe në brëndësi të saj. .Ndricimi dhe ajrimi e higjienizojnë kurorën .

3.Vendose drejtpeshimi dhe përpjestimi midis sistemit rrënjor dhe masës ajrore duke bërë shpërndarjen më të mirë të lëndëve ushqimore për të kufizuar ose nxitur rritjen e degëve.

4.Regullohen treguesit e rritjes dhe të frutëzimit, në vitet e para të jetës së ullinjve.. Vendos unitet bime: mjedis duke i dhënë kurorës dhe degëzimeve madhësi në varësi të pjellorisë së tokës, rezervave ujore , ndricimit, kundrejtimit etj .

5.Ripërterihet kurora .Në ullinj të vjetër me kurorë të plakur, që kanë rritje të dobët e prodhim të pakët kryhet krasitja ripërtëritëse

6.Nepermjet krasitjeve të përvitshme krijohen mundësi për të kryer me mirë edhe shërbimet e tjera si luftimi i sëmundjeve e demtuesve, punimi i tokës, futja e mekanizimeve, vjelja etj.

#### **Llojet e krasitjes**

Llojet e krasitjes e marin emrin nga stadi në të cilën kryen dhe detyrat që synohet të arihen .Llojet e krasitjes janë:

#### **Krasitja e rritjes dhe shpërnguljes**

Kryhet në fidanishte .Ka për qëllim të rrit fidanë të shëndetshëm , të formuar mirë e të plotësojë standartet e caktuara .

#### **Krasitja formuese**

Shërben për formimin e kurorës së ullirit .Nis që nga mbjellja e fidanit në vendin e përhershëm dhe përfundon pasi të jetë formuar plotësisht kurora e ullirit .

#### **Krasitja prodhuese**

Kryhet në ullinj të që kanë hyrë në prodhim të plote .Bëhet cdo vit dhe në pamundësi dhe në intervale më të rralla .Në këtë krasitje synohet të sigurohet prodhim i përvitshëm , rritja e mjaftueshme , të ruhet forma e kurorës dhe higjienizimi i sajë. Për masën e krasitjes prodhuese gjykohet nga fuqia dhe shëndeti i ullirit dhe kushtet klimatiko - tokësore



Foto 2 Krasitje prodhuese

### **Krasitja riformuese**

Kryhet në ato raste kur ulla për disa vite janë lënë jashtë kujdesit ose janë bërë gabime në formimin e tyre



**Foto 3** Krasitje riformuese

### **Krasitja ripërteritese**

Pas vjetërimit e degradimit të kurorës, zhveshjes së saj dhe ngjitjes së prodhimit në lartësi, mbajtja e ulla në atë gjendje nuk ka asnjë leverdi ekonomike



Foto 3. Krasitje ripërteritese

### **Koha e kryerjes së krasitjes**

Për nga koha kur kryen , krasitjet ndahen në dimërore dhe verore .Në të dy rastet njohja e afatit dhe respektimi i tij i bëjnë më të efektshme veprimet e krasitjes .

Në krasitjen dimërore kryhen punime për prerjen e degëve dhe rrallimin , uljen e kurorës, shkalbëzimin e trungjeve, pastrimin e plagëve të vjetra dhe të pambyllura, pastrimin e trungjeve nga levorja e vjetër etj

.Krasitja dimërore bëhet në periudhën e qetësisë relative , pas vjeljes së prodhimit dhe përfundon kur nis zgjimi pranveror .Krasitja gjithmone duhet të kryhet pasi të ketë kaluar rreziku i ngricave pasi ato do të shkaktonin dëme të rënda në vendet e prera .Në vende me klime të butë koha e krasitjes është më e gjatë : dhjetor fund shkurti , por duke e ndërprerë atë kur ndodhin ngrica .Në zonat më të ftohta koha është më e shkurter fund janari fillim marsi .

Kësisoj koha më e përshtatshme për krasitje janë muajt dhjetor shkurt Sipas radhës më parë krasiten ulla të dobët, më vonë të fuqishmit, kurse krasitja ripërteritese kryhet para përfundimit të sezonit të krasitjes, kur ka kaluar rreziku i ngricave.

Operacionet e krasitjes verore kryen mbi masen e gjelbër gjatë periudhës qershor

shtator, në fazën e parë përcaktohen tharje të gjelbëra të lastarëve, pincime dhe prerje të majave për të rritur daljen e degezimeve të reja .Në muajin gusht shtator hiqen thithaket , kamzat e reja , filiza e lastarë që kanë dalë në vende të paparshtatëshme duke nisur nga qafa e rrënjës , trugu , baza e degëve skeletore si dhe në pikat ku janë realizuar prerjet mbi degët e trasha



Foto Krasitje riformuese(Monokon)

### Adresa:

QTTB Vlorë, Shamogjin,  
Komuna Novoselë

E-mail: [Qttb.Vlorë@yahoo.com](mailto:Qttb.Vlorë@yahoo.com)

Telefon: 033 404144/145